



DISGRIFIAD SWYDD

TEITL Y SWYDD:	CYDLINYDD CYMUNEDAU RHYNGWLADOL (CYFNOD PENODOL TAN FIS MEHEFIN 2027) Mae croeso mawr i fyfyrwyr presennol ymgeisio, cyhyd â'u bod yn gallu cyrraedd gofynion y swydd ar y cyd â'u hastudiaethau.
YN ATEBOL I:	Y Pennaeth Cyfleoedd i Fyfyrwyr
CYFLOG:	Gradd Cydlinydd Undeb Aber: yn dechrau o £27,500 (pro rata) ar hyn o bryd
ORIAU:	0.5 awr, amser llawn, i'w weithio'n hyblyg mewn trafodaeth â'r Rheolwr Llinell.

DYDDIAD YR YSGRIFENNWYD: Awst 2026

DIBEN Y SWYDD

Gwella'r ymdeimlad o berthyn, lles ac ennyn mwy o gyfranogiad ymysg myfyrwyr rhyngwladol trwy gefnogi cymunedau diwylliannol bywiog a drefnir eu hunain. Darparu cymorth gweithredol ar gyfer cymdeithasau rhyngwladol a diwylliannol, gan sicrhau eu bod yn cynnig cyfleoedd amrywiol, cynhwysol a chyffrous. Bod y man cyswllt cyntaf i gymdeithasau rhyngwladol, cefnogi pwyllgorau, galluogi gweithgarwch diogel a hygyrch, a helpu myfyrwyr i feithrin cymunedau. Meithrin partneriaethau â'r Brifysgol ac yn lleol sy'n gwella profiad y myfyrwyr rhyngwladol, a bod yn weithgar wrth ymgysylltu â myfyrwyr rhyngwladol ar draws y campws trwy waith maes gweithredol.

DYLETSWYDDAU A CHYFRIFOLDEBAU

1. Grwpiau Cymunedau Myfyrwyr Rhyngwladol

- Rhoi i fyfyrwyr y cyfle i fagu ac ymaelodi â chymunedau myfyrwyr o'r un cenedlaetholdeb/grwpiau diwylliannol
- Hwyluso cysylltiadau ymysg myfyrwyr rhyngwladol ar sail cenedlaetholdeb, diwylliant, iaith a phrofiad bywyd cyffredin.
- Bod yn ganolwr dros fyfyrwyr unigol a grwpiau diwylliannol perthnasol, gan eu cefnogi i ymuno â chymunedau y gallant berthyn iddynt.
- Trefnu digwyddiadau a gweithgareddau sy'n dathlu amrywioldeb diwylliannol.
- Gweithio â chydweithwyr i hyrwyddo cyfleoedd i grwpiau myfyrwyr ar draws eu haelodaeth ar adegau pwysig o'r flwyddyn, hy yr Wythnos Groeso a Reffreshars.
- Sicrhau bod pob cymdeithas a phrosiect myfyrwyr rhyngwladol yn gweithredu yn unol â pholisïau a gwerthoedd Undeb Aber, yn bennaf o ran darpariaethau iechyd a diogelwch.
- Gweithio â chydweithwyr Prifysgol Aber yn yr adran rheoli cyfleusterau i ddarparu mynediad at y cyfleusterau sydd eu hangen at weithgareddau grwpiau myfyrwyr.
- Dadlau dros TîmAber a magu perthynas ag Undeb Aber.



- Hwyluso a chefnogi cymdeithasau a phrosiectau gwirfoddol i weithredu'n effeithiol ac i gynnal/mynychu digwyddiadau gan gynnwys trafndiaeth (ee bysus gwennol), llety, llogi ystafelloedd ac ati.
- Cynnal cysylltiad priodol â chyn-fyfyrwyr a'r adran gyn-fyfyrwyr

2. CYSYLLTIADAU A PHERTHNASAU ALLWEDDOL

- Cefnogi y swyddog myfyrwyr rhyngwladol i gynrychioli myfyrwyr rhyngwladol yn effeithiol a chyflawni eu blaenoriaethau.
- Gweithio gyda Swyddogion allweddol yr Undeb i sicrhau y caiff anghenion myfyrwyr rhyngwladol eu deall a'u hateb.
- Tynnu grwpiau myfyrwyr ac unigolion rhyngwladol i mewn i'r prosiectau perthnasol a arweinir gan y gymuned a'r Brifysgol sy'n gwella profiad myfyrwyr rhyngwladol.
- Meithrin cysylltiadau ag adrannau perthnasol y Brifysgol a sefydliadau/ grwpiau cymunedau diwylliannol lleol i greu cyfleoedd ar gyfer cyfnewid diwylliannol, integreiddio cymunedol a phrosiectau cydweithredol.

3. DYLETSWYDDAU ERAILL:

- Mynychu cyfarfodydd, cynadleddau a digwyddiadau hyfforddi a all gynorthwyo â chyflawni'r tasgau uchod yn effeithiol, a all hefyd hyrwyddo buddiannau Undeb Aber yn lleol, yn rhanbarthol ac yn genedlaethol.
- Hyrwyddo a chynnal gwerthoedd a pholisïau Undeb Aber yn gadarnhaol.
- Hyrwyddo Undeb Aber a'n gwaith yn lleol, yn rhanbarthol ac yn genedlaethol pan ddaw cyfleoedd i wneud hynny.
- Gweithio o fewn telerau dogfennau llywodraethu'r Undeb, yn bennaf y Cyfansoddiad.
- Cyfrannu at gyhoeddiadau a deunydd gwybodaeth Undeb Aber
- Cynnal disgwyliadau rhesymol o ran iechyd a diogelwch, gwarchod data a rheoliadau a deddfwriaethau perthnasol eraill fel bo'n briodol.
- Helpu yn ystod digwyddiadau allweddol Undeb Aber trwy gydol y flwyddyn gan gynnwys yr Wythnos Groeso a'r Etholiadau
- Bod ag ymagwedd hyblyg at ddyletswyddau a gwaith ac, yn arbennig, mabwysiadu arddull o weithio mewn tîm gydag adrannau a gweithgareddau ar draws yr Undeb. Gall hyn olygu ymgymryd â dyletswyddau sy'n cynorthwyo gweithgareddau a gwasanaethau adrannau eraill
- Mae ystyriaethau amgylcheddol ac arferion gorau parthed yr amgylchedd yn gyfrifoldeb i holl staff Undeb Aber
- Cydymffurfio â disgwyliadau ymddygiad a safonau Undeb y Myfyrwyr yn y gwaith bob dydd

NEWIDIADAU YN Y SWYDD DDISGRIFIAD

Gall y disgrifiad swydd hwn newid unrhyw bryd yn dilyn ymgynghoriad â deiliad y swydd.

Ni fwriedir i'r disgrifiad swydd hwn fod yn rhestr gynhwysfawr o dasgau a ddaw i ran deiliad y swydd. Serch hynny, mae'n gosod prif ddisgwyliadau'r Undeb o ran dyletswyddau a chyfrifoldebau deiliad y swydd, a gall fod disgwyl i ddeiliad y swydd ymgymryd â gwaith amgen/ychwanegol sy'n gymesur â'r raddfa gyflog.



MANYLDEB YR UNIGOLYN - CYDLINYDD CYMUNEDAU RHYNGWLADOL

MEINI PRAWF	Angenrheidiol	Cais	Cyfweliad
CYMWYSTERAU			
Addysg gyffredinol dda, cyfystyr â Safon Uwch neu Lefel A	Hanfodol	✓	
Gradd Prifysgol/Coleg neu gyfystyr	Dymunol	✓	
PROFIAD			
Profiad o weithio'n effeithlon ar eich liwt eich hun	Hanfodol	✓	✓
Profiad o drefnu cyfarfodydd a digwyddiadau sy'n denu diddordeb	Hanfodol	✓	
Profiad o gynllunio a rhoi ymgyrchoedd hyrwyddol a chyfathrebu ar waith	Hanfodol	✓	✓
Profiad o reoli, ysgogi a hyfforddi gwirfoddolwyr mewn rolau annibynnol, dan eu cyfarwydd eu hunain	Hanfodol	✓	✓
Profiad o ddefnyddio ystod eang o gyfryngau ar-lein gan gynnwys rhwydweithiau cymdeithasol ar-lein a datblygu/rheoli cynnwys Gwefan	Hanfodol	✓	✓
Profiad o ddatblygu a chefnogi prosiectau	Hanfodol	✓	✓
Dealltwriaeth o'r heriau y mae myfyrwyr rhyngwladol neu o gefndiroedd diwylliannol lleiafrifoledig yn eu hwynebu, gan dynnu ar eich profiad eich hun neu eich cymuned	Dymunol	✓	✓
Profiad o gefnogi cynrychiolwyr gwleidyddol/cymunedol	Dymunol	✓	✓
Profiad blaenorol o weithio mewn sefydliad a arweinir yn ddemocrataidd a chefnogi cydlyniant cymunedol	Dymunol	✓	✓
GWYBODAETH			
Gwybodaeth a dealltwriaeth o faterion a themâu cyfoes yn ymwneud â myfyrwyr rhyngwladol mewn Addysg Uwch ac Undebau Myfyrwyr	Hanfodol	✓	✓
Y gallu i ddangos diddordeb mewn neu brofiad o feithrin cymunedau myfyrwyr seiliedig ar ddiddordeb cyffredin neu ar sail cymunedau rhyngwladol, gyda brwdfrydedd amlwg dros gyflawni newid ystyrlon a gaiff effaith fuddiol ar fywydau eraill.	Dymunol	✓	✓



NODWEDDION/SGILIAU			
Y gallu i weithio'n effeithlon mewn tîm a rhoi grym i eraill a'u hysgogi	Hanfodol	✓	✓
Y gallu i fynd ati'n weithgar ar eich liwt eich hun ac aros yn bwyllog dan bwysau. Y gallu i'ch ysgogi eich hun ac yn annibynnol	Hanfodol		✓
Y gallu i fod yn greadigol ac arloesol wrth hyrwyddo ystod eang o wasanaethau/gweithgareddau i gynulleidfa eang ac amrywiol	Hanfodol	✓	✓
Y gallu i drin pobl a chyfathrebu ar lefel ragorol (Ysgrifennu a Llafar)	Hanfodol	✓	✓
Y gallu i feithrin a chynnal perthnasoedd gweithio cryf	Hanfodol		✓
Y gallu i orchfygu rhwystrau a phroblemau mewn ffordd adeiladol	Hanfodol	✓	✓
Medrusrwydd mewn Rheoli Prosiectau	Hanfodol	✓	✓
Bod yn hyderus gyda'r gallu i gysylltu â myfyrwyr gan gynnwys mynd atynt a siarad	Hanfodol	✓	✓
Medrusrwydd mewn TG, gan gynnwys bod yn gyfarwydd â rhaglenni MS Office, gyda dealltwriaeth da o offer cyfryngau cymdeithasol megis Facebook, Twitter a gwaith gwefan	Dymunol	✓	✓
GWERTHOEDD A MOESEGAU			
Yr awydd i weithio mewn awyrgylch democrataidd dan arweiniad myfyrwyr a rhoi myfyrwyr ar y blaen	Hanfodol		✓
Deall ac ymrwymo i gyfleoedd teg	Hanfodol		✓
Yr awydd i weithio mewn sefydliad sy'n gwasanaethu aelodaeth o gefndiroedd diwylliannol amrywiol	Hanfodol		✓
Yn ymroddgar, cadarnhaol, mentrus ac agos-atoch gydag ymagwedd weithgar di-ffael	Hanfodol	✓	✓
Yn gallu dangos safonau uchel o onestrwydd personol	Hanfodol		✓